

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

-866-



Broj: 01-05-2398/17-AP-12
Datum: 31.10.2017. godine

Na osnovu člana 8. stava 3. Zakona o principima lokalne samouprave u Federaciji Bosne i Hercegovine („Službene novine FBiH”, broj: 49/06 i 51/09), člana 13. stav 3. Zakona o pripadnosti javnih prihoda u Federaciji Bosne i Hercegovine i finansiranju Federacije Bosne i Hercegovine („Službene novine FBiH“, broj: 22/06, 22/09) i člana 25. Statuta Općine Zavidovići („Službeni glasnik Općine Zavidovići“, broj: 5/2008 i 5/a/2008), Općinsko vijeće Zavidovići na 13. sjednici, održanoj 31.10.2017. godine, donijelo je

O D L U K U O KOMUNALNIM TAKSAMA OPĆINE ZAVIDOVIĆI

I - OPĆE ODREDBE

Član 1.

(Osnovi za plaćanje takse)

Na području općine Zavidovići propisuju se i naplaćuju komunalne takse za:

1. Svaku istaknutu firmu,
2. Držanje žive muzike u ugostiteljskim objektima,
3. Držanje sredstava za priređivanje zabavnih igara (bilijar, automati, karte za igru, videoigre, fliperi, aparati za posebne igre na sreću i slično),
4. Korištenje uređaja za pružanje usluga mobilne telefonije.

Član 2.

(Definicija pojmova)

U smislu ove Odluke:

1. pod istaknutom firmom podrazumijeva se ime pod kojim pravno ili fizičko lice posluje,
2. pod držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga,
3. pod držanjem sredstava za priređivanje zabavnih igara (bilijar, automati, karte za igru, videoigre, fliperi, aparati za posebne igre na sreću i slično) podrazumijeva se držanje aparata kojima se omogućava priređivanje zabavnih igara i igara na sreću,
4. pod korištenjem uređaja za pružanje usluga mobilne telefonije podrazumijeva se stavljanje u funkciju baznih stanica mobilne telefonije, mikrobaznih stanica mobilne telefonije, predajnika (pasivnih repetitora), antena i stubova.

Član 3.

(Nastanak obaveze)

Taksena obaveza nastaje u trenutku kada se počinje koristiti predmet ili usluga za čije korištenje je propisano plaćanje komunalne takse.

-867-

Član 4.
(Taksa)

Komunalne takse se plaćaju putem žiroračuna i izvorni su prihod općine Zavidovići.

Član 5.
(Obveznici)

Takseni obveznik je svako pravno ili fizičko lice, koje koristi predmet ili usluge za čije korištenje je propisano plaćanje takse.

Član 6.
(Određivanje visine takse)

Iznos komunalne takse za uplatu određuje se prema odredbama Tarife komunalnih taksi općine Zavidovići koja je sastavni dio ove Odluke.

Član 7.
(Isticanje firme)

(1) Pravna i fizička lica koja obavljaju djelatnost na osnovu odobrenja nadležnog organa dužna su na vidnom mjestu svih prostora gdje obavljaju djelatnost istaknuti naziv firme.

(2) Pod nazivom firme podrazumijeva se: naziv firme pod kojim je takseni obveznik registrovan kod nadležnog organa, sjedište lica kao i broj, odnosno naziv poslovne jedinice kada se firma ističe na poslovnoj jedinici.

(3) Firma se ističe najkasnije danom početka obavljanja djelatnosti.

Član 8.
(Oslobađanje)

Od plaćanja komunalne takse oslobađaju se:

1. Bosna i Hercegovina i Federacija Bosne i Hercegovine i njeni organi,
2. Zeničko-dobojski kanton i Općina i njihovi organi i službe,
3. Javne ustanove, sportske organizacije, asocijacije i klubovi, humanitarne, vjerske i dobrotvorne organizacije iz osnovne djelatnosti i sva udruženja građana,
4. Fizička i pravna lica koja obavljaju djelatnost registrovanu u skladu sa Uredbom o zaštiti tradicionalnih i starih obrta ("Sl. novine Federacije BiH", broj: 66/09, 38/10 i 16/12).

II - PRIJAVA I NAČIN OBRAČUNA KOMUNALNIH TAKSI

Član 9.
(Podnošenje taksene prijave)

Prijavu za razrez komunalne takse obveznik je dužan podnijeti Poreskoj ispostavi Zavidovići do 31. januara tekuće godine prema stanju na dan 01. januar tekuće godine za koju se razrez vrši, te za istu izvršiti plaćanje, a kopiju navedene prijave dostaviti Službi za upravu ekonomskih poslova i poduzetništva.

Član 10.
(Sadržaj taksene prijave)

(1) Prijava za razrez komunalne takse podnosi se na obrascu KT 01 i čini sastavni dio ove Odluke.

-868-

(2) Prijava za razrez komunalne takse sadrži slijedeće podatke:

(3) Naziv firme, sjedište i adresa taksenog obveznika, brojeve transakcijskih računa otvorenih kod banaka, broj poslovnih jedinica i iznos komunalne takse.

(4) Ukoliko poreski obveznik u propisanom roku ne podnese prijavu, umjesto njega prijavu će podnijeti Poreska ispostava Zavidovići u roku od 15 dana.

Član 11.

(Umanjenje komunalne takse)

(1) Pravno ili fizičko lice koje počne da obavlja djelatnost, oslobađa se komunalne takse na istaknutu firmu za prvu godinu poslovanja (prva godina počinje teći od dana izdavanja rješenja o registraciji), a drugu godinu poslovanja plaća taksu u visini od 50%.

(2) Izuzetno, mladi (do 35 godina) koji po prvi puta pokreću vlastiti biznis, se oslobađaju plaćanja komunalne takse za prvu godinu poslovanja, a za naredne dvije godine plaćaju taksu u visini od 50%.

(3) Preduzeću koje prestane da obavlja djelatnost u toku godine, taksa na istaknutu firmu se obračunava samo za broj mjeseci u kojima je obavljao djelatnost.

(4) Preduzeća sa više poslovnih jedinica, bez obzira da li im je poslovno sjedište na području općine Zavidovići, za prvu Poslovnu jedinicu, bilo da je riječ o izdvojenoj lokaciji van poslovnog sjedišta, podružnici, filijali, ekspozituri, šalteru i slično, na području općine Zavidovići, plaćaju obavezu komunalne takse na istaknutu firmu u 100 % iznosu, a za svaku narednu Poslovnu jedinicu obaveza se umanjuje za 20 %, s tim što komunalna taksa na istaknutu firmu po Poslovnoj jedinici ne može biti manja od 100,00 KM.

Član 12.

(Osnovica komunalne takse)

Osnovica komunalne takse na istaknutu firmu je jedinstvena i iznosi 150,00 KM uz primjenu ostalih mjerila za utvrđivanje visine komunalne takse.

Član 13.

(Visina komunalne takse)

(1) Mjerila za utvrđivanje visine komunalne takse na istaknutu firmu su koeficijent položajne pogodnosti i zona u kojoj je firma istaknuta.

(2) Visina komunalne takse na istaknutu firmu određuje se množenjem jedinstvene osnovice komunalne takse na istaknutu firmu sa koeficijentom položajne pogodnosti.

(3) Koeficijent položajne pogodnosti određen je jedinstveno za sve vrste djelatnosti po zonama urbanog dijela općine Zavidovići u zavisnosti od pripadnosti određenog poslovnog prostora na kome je istaknuta firma u skladu sa Odlukom o određivanju zona („Službeni glasnik Općine Zavidovići“, broj: 9/2011).

(4) Koeficijent položajne pogodnosti utvrđen je zavisno od pogodnosti koje se obezbjeđuju obvezniku komunalne takse u zoni u kojoj je istaknuta firma odnosno obavlja djelatnost.

(5) Pod pogodnošću podrazumijeva se obim i stepen izgrađenosti i uređenosti i položaja zemljišta komunalnim građevinama i instalacijama, saobraćajne povezanosti, vrste i kapaciteta objekta za svakodnevno i periodično snabdijevanje, stepena pokrivenosti naselja objektima za zdravlje, obrazovanje i kulturu i prirodnih uslova.

(6) Koeficijenti položajne pogodnosti upisani u kolonama tabele označenim sa zvjezdicom (*) predstavljaju područja izvan urbanog dijela općine Zavidovići.

III - TARIFA KOMUNALNIH TAKSI OPĆINE ZAVIDOVIĆI**Član 14.
(Tarifni brojevi)****Tarifni broj 1.**

Za svaku istaknutu firmu, oznaku, obilježje ili natpis na poslovnim prostorijama i objektima, kojim se označava da određeno pravno ili fizičko lice obavlja izvjesnu djelatnost ili zanimanje, obračunava se i plaća se godišnja taksa množenjem jedinstvene osnovice komunalne takse na istaknutu firmu sa koeficijentom položajne pogodnosti.

OSNOVICA KOMUNALNE TAKSE NA ISTAKNUTU FIRMU 150,00 KM	KOEFIČIJENT POGODNOSTI PO ZONAMA						
	I	II	III	IV	V	VI	*
	1,35	1,30	1,25	1,20	1,15	1,10	1,00

Tarifni broj 2.

Za priređivanje žive muzike u hotelima i discoklubovima, plaća se dnevno – 50,00 KM po danu muzike, a u ugostiteljskim objektima, plaća se dnevno – 10,00 KM, s tim da se za istu podnosi prijava poreznoj upravi najkasnije tri dana prije početka izvođenja muzike.

Tarifni broj 3.

Za posjedovanje sredstava za priređivanje zabavnih igara (bilijar, automati, karte za igru, videoigre, fliperi, aparati za posebne igre na sreću i slično) plaća se taksa u iznosu od 300,00 KM/godišnje po komadu.

Tarifni broj 4.

Za korištenje uređaja za pružanje usluga mobilne telefonije plaća se godišnja taksa i to:

1. Bazna stanica mobilne telefonije 16.000,00 KM / godišnje,
2. Mikrobazna stanica mobilne telefonije 6.000,00 KM / godišnje,
3. Predajnici (pasivni repetitori), antene i stubovi 3.000,00 KM / godišnje.

IV - KAZNENE ODREDBE**Član 15.
(Visina kazne)**

(1) Taksenim obveznicima koji ne podnesu prijave u skladu sa članom 9. ili daju netačne podatke prijave utvrđuje se novčana kazna u iznosu od 500,00 KM.

(2) Novčanom kaznom od 2.000,00 KM kaznit će se za prekršaj pravno lice koje u roku propisanom Zakonom o poreznoj upravi Federacije BiH („Službene novine F BiH“, broj: 57/09, 40/10, 27/12, 7/13, 71/41 i 9/14), ovom Odlukom i Tarifom komunalnih taksi, koje se plaćaju na području općine Zavidovići, ne uplati propisanu komunalnu taksu.

(3) Novčanom kaznom od 1.000,00 KM kaznit će se za prekršaj odgovorno lice u pravnom licu, koje u roku propisanom Zakonom o poreznoj upravi Federacije BiH, ovom Odlukom i Tarifom komunalnih taksa, ne uplati propisanu komunalnu taksu.

(4) Novčanom kaznom od 1.000,00 KM kaznit će se za isti prekršaj vlasnici samostalnih radnji i fizička lica.

(5) Pored izrečenih kazni, porezna ispostava će izvršiti prinudnu naplatu takse po propisima u prinudnoj naplati poreza građana.

V - PRELAZNE I ZAVRŠNE ODREDBE**Član 16.****(Započeti neokončani postupci)**

Započeti i pravosnažno neokončani postupci utvrđivanja taksene obaveze po odredbama Odluke o općinskim komunalnim taksama („Službeni glasnik Općine Zavidovići“, broj: 1/2015 i 1/2017), okončat će se po odredbama navedene Odluke.

Član 17.**(Primjena Odluke)**

(1) Za provođenje ove Odluke zadužuje se Kantonalni porezni ured Zenica, Porezna ispostava Zavidovići.

(2) Služba za upravu ekonomskih poslova i poduzetništva će vršiti povremene kontrole prijave, te usklađivati podatke sa Poreznom ispostavom Zavidovići.

Član 18.**(Prestanak važenja ranijih propisa)**

Stupanjem na snagu ove Odluke prestaje da važi Odluka o općinskim komunalnim taksama sa Tarifom („Službeni glasnik Općine Zavidovići“, broj: 1/15 i 1/2017.).

Član 19.**(Stupanje na snagu)**

Ova Odluka stupa na snagu prvog narednog dana od dana objavljivanja u “Službenom glasniku Općine Zavidovići”, a primjenjuje se od 01.01.2018. godine.

(M.P.)

**PREDSJEDAVAJUĆI
OPĆINSKOG VIJEĆA**

Redžo Seferović, s.r.

Naziv pravnog lica ili ime i prezime fizičkog lica																			
Identifikacioni broj poreznog obveznika																			
Adresa sjedišta obveznika																			
Brojevi transakcijskih računa										Naziv banke:									
										Naziv banke:									
Broj poslovnih jedinica na području općine Zavidovići																			
Kantonalni porezni ured										Porezna ispostava									

**PRIJAVA
OPĆINSKE KOMUNALNE TAKSE ZA 20__ GODINU**

Red. broj	Mjesto i tačna adresa svake istaknute firme	Koeficijent položajne pogodnosti (samo za TB 1)	Tarifni broj	Obračunska jedinica za TB 2,3,4 *	Iznos takse u KM
UKUPAN IZNOS KOMUNALNE TAKSE					

Datum _____ 20__ godine

PODNOŠILAC PRIJAVE

*Obračunska jedinica predstavlja: za TB 2. datum (dan) održavanja žive muzike; za TB 3. broj uređaja za zabavne igre; TB 4. broj baza mobilne telefonije, mikro baznih stanica, predajnika, antena i stubova.
Ukoliko poreski obveznik sam ne podnese poreznu prijavu u (određenom) zakonskom propisanom roku, Porezna uprava će podnijeti poreznu prijavu umjesto poreznog obveznika shodno članu 21. Zakona o Poreznoj upravi Federacije BiH („Službene novine FBiH“, broj: 33/02, 28/04, 57/09, 40/10, 27/12, 7/13 i 71/14).